

分類補註李太白詩

三



分類補註李太白詩卷之四

樂府

關山月

〔士贇曰〕關山月者樂府鼓角橫吹十五曲之一也

明月出天山蒼茫雲海間長風幾萬里吹度

玉門關

齊賢曰吳氏語錄曰太白詩如明月出天山蒼茫雲海間長風幾萬里吹

度玉門關皆氣蓋一世學者皆熟味之自不褊淺矣天山在唐西州交河郡天山縣天山至玉門關不爲太遠而曰幾萬里者以漢下月如出於天山耳非以天山爲度也

漢下

白登道胡窺青海灣由來征戰地不見有人

還

士贊曰括地志云朔州定襄縣本漢平城縣東北三十里有白登山山上有臺名曰

白登山漢書匈奴傳云冒頓圍高帝於白登七日即此地服虔云白登山名去平城七里

唐歌舒翰傳築神威軍於青海上吐蕃至攻破之又築城於青海中戍客望邊

邑思歸多苦顏高樓當此夜嘆息未應閑

賢

曰邑一作色
閑一作還

獨漉篇

士贊曰獨漉篇即拂舞歌五曲中之獨祿篇也特太白集

中祿字作漉字其間命意造辭亦模倣規擬特古詞爲父報仇太白則爲國雪耻耳今錄古詞于題下曰獨獨祿祿水深泥濁泥濁尚可水深殺我

嗈嗈雙鴈遊戲田畔我欲射鴈念子
孤散翩翩浮萍得風遙輕我心何念
與之同并空床低幃誰知無人夜求
錦綉誰別偽真刀鳴削中倚牀無施
父冤不報
欲活何爲

獨漉水中泥水濁不見月不見月尚可水深
行人沒越鳥從南來胡鴈亦北渡我欲灣弓
向天射惜其中道失歸路落葉別樹飄零隨
風客無所托悲與此同羅幃舒卷似有人開
明月直入無心可猜

齊賢曰蘇子由曰李太白詩過人其平生所作

如浮花浪藥其詩云羅幃卷舒似有雄劍掛人開明月直入無心可猜不可及

壁時時龍鳴不斷犀象繡澀苔生國耻未雪

何由成名齊賢曰列士傳曰眉間大者眉間

夫人嘗於夏納涼而抱鐵柱心有所感遂懷孕產一鐵楚王命鏐邪鑄為雙劍三年乃成

劍一雌一雄鏐邪留雄而以雌進楚王劍在匣中常悲鳴王問群臣對曰劍有雌雄鳴者

雌憶其雄王怒收鏐邪殺之眉間尺因殺楚王神鷹夢澤不顧鴟鵂

為君一擊鵬搏九天士贊曰幽真錄楚文王少時雅好畋獵天下快

狗名鷹畢聚焉有人獻一鷹曰非王鷹之儔王見其殊常故為獵於雲夢之澤毛群羽族

爭噬共搏此鷹獨瞪目遠瞻俄而雲際有一
物翺翔飄飄鮮白而不辨其形鷹見之便竦
翻而升蟲若飛電湏臾羽墮如雪血洒如雨
良久有一大鳥墮地而死度其兩翅廣數十
里喙邊有黃衆莫能知時有博物君子曰此
大鵬離也文王乃厚賞之此詩比興之意謂
士之用世則當爲國雪耻立大功以成名
猶神鷹之不顧凡鳥而但擊九天之鵬也

登高丘而望遠海

王贊曰太白此詩
不過引秦皇漢武

巡海求仙之事
以通諷諫耳

登高丘望遠海六鰲骨已霜三山流安在

齊賢

曰列子五山一曰岱輿二負嶠三方壺四瀛
洲五蓬萊其根無所連着隨潮波上下帝命

巨鼇十五舉首戴之五山始峙而不動龍伯之國有大人舉足不盈數步而暨五山之所一釣而連六鼇於是岱輿負嶠二山流於扶北極汎於大海仙聖之播遷者巨億萬計扶

桑半摧折白日沉光彩

齊賢曰十洲記扶桑在碧海中銀臺

金闕如夢中秦皇漢武空相待

士贊曰東方朔十洲記鍾

山在北海子地上有金臺玉闕亦元氣之所舍天帝之治處也秦皇漢武事見前卷精

衛費木石鼇鼉無所憑

齊賢曰精衛徙木石事見一卷註士贊曰

紀年周穆王三十七年征伐大起九師東至九江叱鼇鼉以爲梁江淹恨賦秦皇按劍諸侯西馳削平天下同文共規方駕鼇鼉以爲梁巡海右以送日太白詩蓋祖江淹賦也

君不見驪山茂陵盡灰滅牧羊之子來攀登

盜賊劫寶玉精靈竟何能

齊賢曰始皇葬驪山漢武葬茂陵劉

向傳曰始皇塚見發其後牧兒亡羊羊入其鑿牧者行火求羊失火燒其藏椁漢高紀項羽掘始皇塚收其財典論曰喪亂以來漢氏諸陵無不發掘至乃燒取玉匣金鏤窮

兵黷武今如此鼎湖飛龍安可乘

士贊曰此言二君窮

兵黷武如此若黃帝之上仙安可得也唐明皇亦好神仙喜邊功者此詩其有所諷乎

陽春歌

士贊曰歌錄陽春歌楚曲也即時景二十五曲之一

長安白日照春空綠楊結煙垂裊風披香殿

前花始紅流芳發色繡戶中

士贊曰班固西都賦曰後宮則

有掖庭椒房披香發越注云長安有披香殿

繡戶中相經過飛燕

皇后輕身舞紫宮夫人絕世歌聖君三萬六

千日歲歲年年奈樂何

齊賢曰漢書李延年故倡也女弟得幸號

李夫人初夫人兄延年善歌舞武帝愛之延年侍上起舞歌曰北方有佳人絕世而獨立一顧傾人城再顧傾人國不知傾城與傾國佳人難再得上嘆曰世豈有此人乎平陽王因言有女弟上召見之實妙麗善舞由是得幸生昌邑王
士贊曰西京雜記漢孝成皇后趙飛燕體輕弱行步進退色如紅玉擅寵後宮漢書趙飛燕體輕能掌上舞

楊叛兒

士贇曰樂錄楊叛兒亦曰西曲楊叛兒本童謠也齊隆昌

時女巫之子曰楊旻隨母入內及長爲太后所寵愛童謠云楊婆兒共戲來語訛轉婆爲叛也

君歌楊叛兒妾勸新豐酒

齊賢曰九域志新

兆府士贇曰西京雜記太上皇徙長安居深宮悽愴不樂高祖竊因左右問其故以平生所好皆屠販少年酤酒餅鬪雞蹴鞠以此爲權今皆無此故以不樂高祖乃作新豐移諸故人實之太上皇乃悅故新豐多無賴無衣冠子弟故也高祖少時常祭汾榆之社及移新豐亦還立焉高祖既作新豐并移舊社衢巷棟宇物色惟舊士女老幼相携路首各知

其室放犬羊鷄鴨於通途亦競識其家其匠人胡寬所營也移者皆悅其似而德之故競加賞贈月餘致累百金

何許最關人烏啼白門柳烏啼

隱楊花君醉留妾家博山爐中沉香火雙煙

一氣凌紫霞

齊賢曰魏志張邈傳呂布自稱徐州刺史太祖征布布與麾下

登白門樓兵圍急乃下降即此地古楊叛曲暫出白門前楊柳可藏鳥懼作沉水香濃作博山爐漢故事諸王出閣則賜博山香爐呂大臨考古圖曰爐象海中博山下盤貯湯使潤氣蒸香象海之四環
土贊曰西京雜記長安巧工丁緩者作九層博山香爐鏤以奇禽怪獸皆自然能動

雙燕離

士贊曰琴操三十六
雜曲中有雙燕離

雙燕復雙燕雙飛令人羨玉樓珠閣不獨棲

金牕繡戶長相見

士贊曰東方朔十洲記崑崙山上有玉樓十二魏伯

陽參同契曰雄不
獨處雌不孤居

栢梁失火去因入吳王宮

吳宮又焚蕩雛盡巢亦空

齊賢曰漢元鼎二
年作栢梁臺太初

元年栢梁臺災虞氏家記吳白門闔廬作至
秦始皇守宮吏燭燕窟失火燒宮而北樓故
存

憔悴一身在孀雌憶故雄雙飛難再得傷

我寸心中

齊賢曰南史王整之姊嫁爲衛敬
瑜妻年十六而敬瑜亡誓不嫁所

住戶有燕巢常雙飛來去後忽孤飛女感其
偏棲乃以縷繫脚爲認後歲此燕果來猶帶
前縷女爲詩曰昔年無偶去今春猶獨歸故
人思既重不忍復雙飛士贊曰高誘曰寡婦
曰孀此篇其太白自嘆之作乎首四句是喻
其待詔金鑒得幸時也栢梁失火去喻遭讒
放還時也中三句喻從永王璘璘敗以累遭
責時也末四句是白嗟嘆之語謂放逐之余
思君而不得再見安得不爲
之傷心乎吁亦可哀也已

山人勸酒

士贊曰樂府觴酌七
曲其一曰山人勸酒

蒼蒼雲松落落綺皓

士贊曰綺皓乃商山四

皓見秦政雲乃逃入藍田山作歌曰漠漠
高山深谷逶迤曄曄紫芝可以療飢唐虞世

遠吾將安歸駟馬高盖其憂甚大富貴之留
人不如貧賤而肆志乃共入商洛山以待天

定下春風爾來爲阿誰蝴蝶忽然滿芳草秀眉

霜雪顏桃花骨青髓綠長美好稱是秦時避

世人勸酒相歡不知老各守麋鹿志耻隨龍

虎爭歛起佐太子漢皇乃復驚顧謂戚夫人

彼翁羽翼成

齊賢曰史留侯世上欲廢太
子立戚夫人子趙王如意呂后

恐留侯爲畫策曰此難以口舌爭也顧上不
能致者天下有四人逃匿山中義不爲漢臣
然上高此四人今公誠能令太子爲書卑辭
安車固請來以爲客時時從入朝令上見之

則一助也於是呂后令呂澤使人奉太子書
卑辭厚禮迎此四人四人至客建成侯所十
二年上從擊破布軍歸疾益甚愈欲易太子
及燕置酒太子侍四人從太子年皆八十有
餘鬚眉皓白衣冠甚偉上怪之問曰彼何爲
者四人前對各言姓名姓曰東園公角里先生
綺里季夏黃公上大驚曰吾求公數歲公逃
避我今公何自從吾兒游乎四人皆曰陛下
輕士善罵臣等義不受辱故恐而亡匿竊聞
太子爲人仁孝恭敬愛士天下莫不延頸欲
爲太子死者故臣等來上曰煩公幸卒調護
太子四人爲壽已畢趨去上目送之召戚夫
人指示四人者曰我欲易之彼四人輔之羽
翼已成難動搖矣呂后真而主矣戚夫人泣
上曰爲我楚舞吾爲若楚歌歌曰鴻鵠高飛
飛舉千里羽翮已就橫絕四海橫絕四海當

可奈何雖有繒繳尚安所施歌數闋戚夫人
嚔唏流涕上起去罷酒竟不易太子留侯本
招此四人
歸來商山下泛若雲無情舉觴醉
之力也

巢由洗耳何獨清浩歌望嵩嶽意氣還相傾

齊賢曰九域志曰潁昌府唐之許州許昌郡
有許由臺巢父臺王贊曰逸士傳曰巢父堯
時隱人年老以樹爲巢而寢其上故人號爲
巢父堯之讓許由也由以告巢父巢父曰汝
何不隱汝形藏汝光非吾友也乃擊其膺而
下之許由悵然不自得乃遇清冷之水洗其
耳拭其目曰嚮者聞言負吾友遂去終身不
相見樊仲父牽牛飲之見巢父洗耳乃驅牛
而還耻令其牛飲其下流也此意謂巢由之
矯激不若四皓之時行時止一出而國本定

事成則復歸乎商山卷舒自在若無心之雲也中庸之德其至矣乎何以濁清爲哉太白蓋爲明皇欲廢太子琰有所感而作是詩也初瑛母以倡進鄂光二王母以色選及武惠妃寵幸後宮生壽王愛與諸子絕等而太子二王以母失寵頗怏怏惠妃女婚楊洄揣妃旨伺太子短譚爲醜語惠妃訴于帝且泣帝大怒召宰相議廢之張九齡諫得不廢俄而九齡罷李林甫專國數稱壽王美以探妃意妃果德之二十五年洄復構瑛瑤瑤與妃之兄薛輔異謀惠妃使人詭召太子二王曰宮中有賊請戒以兵入太子從之妃白帝曰太子二王謀反甲而來帝使中人視之如言遽召宰相林甫議答曰陛下家事非臣所宜豫帝意決乃詔廢爲庶人尋遇害天下冤之號三庶人歲中惠妃病數見庶人爲祟因召巫